

Broj: 101-13087-2/18 DŽS/d.c.

Zenica, 14.09.2018. godine

Postupajući u skladu sa Rješenjem o usvajanju Žalbe ponuđača Tehnomax d.o.o. Zenica, od 10.09.2018.g. i stavljanju van snage Odluke o izboru najpovoljnijeg ponuđača broj: 101-12.547/18HH od 03.09.2018.godine, broj: 101-13807-1/18MS od 14.09.2018.g., a na osnovu člana 100., stav 3., člana 64., stav 1., tačka (b) i člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), broj: 101-1308-1/18MS, te na osnovu članova 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o izboru najpovoljnijeg ponuđača

I

U konkurentskom postupku za nabavku računara i računarske opreme broj: 439-7-1-446/18, ugovor za nabavku će biti ponuđen ponuđaču:

TEHNOMAX d.o.o. Zenica

kao najbolje ocijenjenom ponuđaču, prema ponudi broj: 716-12.172/18 od 22.08.2018. godine, za ponuđenu cijenu, bez uračunatog PDV-a, u iznosu od 18.744,00 KM.

II

Prijedlog ugovora dostavit će se na potpis izabranom ponuđaču TEHNOMAX d.o.o. Zenica, u skladu sa članom 98. Zakona o javnim nabavkama.

III

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Obrazloženje

Dana, 03.09.2018.godine ugovorni organ je donio Odluku o izboru najpovoljnijeg ponuđača kojom je usvojena preporuka komisije da se ugovor zaključi sa najbolje ocijenjenim ponuđačem Tehnomax d.o.o. Zenica, po cijeni, koja nakon provedene e-aukcije iznosi 16.625,00 KM. U postupku, prema Zapisniku o ocjeni ponuda, konstatovano je da su Ponuđači TEHNOMAX d.o.o. Zenica i ELUR d.o.o. Kiseljak dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju. Nakon provedene e-aukcije cijena ponude prvorangiranog ponuđača Tehnomax d.o.o. Zenica je umanjena za 11,30% u odnosu na prvobitno ponuđenu cijenu.

Dana, 06.09.2018. godine izabrani ponuđač Tehnomax d.o.o. Zenica dostavio je ugovornom organu Zahtjev za uvid u tendersku dokumentaciju, po kojem je ugovorni organ dostavio Obavijest, broj: 716-12970-1/18DŽS, da se uvid može izvršiti dana, 10.09.2018.godine.

Nakon izvršenog uvida u ponude, dana, 10.09.2018.godine, izabrani ponuđač Tehnomax d.o.o. Zenica dostavio je Žalbu na Odluku o izboru najpovoljnijeg ponuđača broj: 101-12.547/18 od 03.09.2018.godine.

U žalbenim navodima, žalitelj ukazuje na tehničke karakteristike drugorangirane ponude Elur d.o.o. Kiseljak, koje prema navodima iz žalbe ne zadovoljavaju komponente tražene tenderskom dokumentacijom, a zbog čega u konačnici drugorangirana ponuda nije mogla uzeti učešće u e-aukciji. Žalitelj takođe smatra da je ugovor u predmetnom postupku trebao biti dodijeljen izabranom ponuđaču Tehnomax d.o.o. Zenica, bez provođenja e-aukcije, odnosno po cijeni od 18.744,00 KM.

Dana, 11.09.2018. godine, na prijedlog Komisije za nabavku, ugovorni organ je uputio Zahtjev za angažovanje stručnog lica, Terzić Harisa, sistem administratora u JP „ViK“ d.o.o. Zenica, za pregled ponuda po konkurentskom zahtjevu broj: 713-11.308/18 HK za nabavku računara i računarske opreme, broj: 716-13.079/18MS.

Dana, 13.09.2018. godine angažovano stručno lice je dostavilo Izvještaj o izvršenom pregledu ponuda TEHNOMAX d.o.o. Zenica i ELUR d.o.o. Kiseljak, broj: 716-15222/18, u kojem se navodi da je u ponudi ponuđača ELUR D.O.O. Kiseljak na strani 4. navedena grafička kartica NVIDIA GT731, a za koju je pregledom liste NVIDIAJINIH grafičkih kartica serije 700 utvrđeno da ponuđeni model ne postoji. Ponuđač je strani 1. ponude/predračuna br. 170/2018. naveo drugi model grafičke kartice i to: ASUS GT710-SL-2GD5, a na osmoj stranici ponude ponuđač u dijelu pod nazivom: „ELUR Konfiguraciji 1“ navodi model NVIDIA GEFORCE GT710 2GD5 ne navodeći ASUS kao proizvođača što stvara zabunu. Naime, NVIDIA je proizvođač GPU dok ASUS ili neka druga firma koristeći NVIDIAJIN GPU proizvodi grafičku kartu ali se ne mogu poistovjetiti ova dva pojma jer ASUS nije jedini proizvođač ove grafičke kartice. Osim gore navedenog, Grafička kartica NVIDIA GT710 se ne može smatrati ekvivalentom grafičkoj karti NVIDIA GT 730 koji model ili ekvivalent su traženi tenderskom dokumentacijom. U Izvještaju se zaključuje da uzevši u obzir navedeno ponuda ELUR d.o.o. Kiseljak nije tehnički ispravna.

Ugovorni organ je, postupajući po predmetnoj Žalbi, a na osnovu gore navedenog, utvrdio da su žalbeni navodi osnovani, zbog čega je doneseno Rješenje o usvajanju Žalbe ponuđača Tehnomax d.o.o. Zenica, od 10.09.2018.g. i stavljanju van snage Odluke o izboru najpovoljnijeg ponuđača broj: 101-12.547/18 od 03.09.2018.godine.

Iz predhodno navedenih razloga, primjenom 68., stav 4., tačke (i) se odbacuje ponuda ponuđača ELUR d.o.o. Kiseljak.

Slijedom navedenog, ponuda ponuđača TEHNOMAX d.o.o. Zenica je jedina formalno-pravno i tehnički zadovoljavajuća ponuda, prihvatljiva za ugovorni organ koja kao takva može biti predmet ocjene.

Polazeći od gore navedenih konstatacija, a shodno odredbama Zakona i opštim aktima ugovornog organa, prema utvrđenom kriteriju „**najniža cijena**“, prihvatljivih ponuda/ ponuđača najpovoljnija ponuda je ponuda ponuđača

1. TEHNOMAX d.o.o. Zenica,

sa ukupnom cijenom ponude od 18.744,00 KM, bez uračunatog PDV-a.

Iz navedenih razloga, primjenom člana 100. stav 3. i člana 64. stav 1., tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DOSTAVLJENO:

- 1 x Direktor preduzeća
- 1 x Pom.dir.za ekon.i prav.posl.
- 1 x Pom.dir.za tehn.posl.
- 1x Komercijalna služba
- 3 x Članovima Komisije
- 1 x Sekretar Komisije
- 1 x a/a



Direktor:

Emir Pašalić
Pašalić Emir, dipl.ing.građ.